

四庫全書薈要·乾隆御覽本

史部

欽定四庫全書叢要

史部

隋書卷十一



詳校官內閣侍讀臣孫球

欽定四庫全書

隋書卷十

史部

唐太尉揚州都督監修國史上柱國趙國公臣長孫無忌等撰

東
史
第五

禮儀五

輿輦之別蓋先王之所以列等威也然隨時而變代有不同梁初尚遵齊制其後武帝既議定禮儀乃漸有變革始永明中步兵校尉伏曼容奏宋大明中尚書左丞

荀萬秋議金玉二輶並建碧旛象革木輶並建赤旛非時運所上又非五方之色今五輶五牛及五色幡旗並請準齊所尚青色時議所駁不行及天監三年乃改五輶旗同用赤而旒不異以從行運所尚也七年帝曰據禮玉輶以祀金輶以賓而今大祀並乘金輶詔下詳議周捨以為金輶以之齊車本不關於祭祀於是改陵廟皆乘玉輶大駕則太僕卿御法駕則奉車郎馭其餘四輶則使人執轡以朱絲為之執者武冠朱衣又齊永明

制玉輶上施重屋棲寶鳳皇綴金鈴鑷珠璫玉蟀佩四
角金龍銜五綵眊又畫麒麟頭加於馬首者十二年帝
皆省之初齊武帝造大小輦並如輶車但無輪轂下橫
轆輶梁初漆畫代之後帝令上可加笨輦形如犢車自
茲始也中方八尺左右開四望金為龍首飾其五末謂
轆轂頭及衡端也金鸞棲輶其下施重層以空青雕鏤
為龍鳳象漆木橫前名為望板其下交施三十六橫小
輿形似輶車金裝漆畫但施八橫元正大會乘出上殿

西堂舉哀亦乘之行則從後一名輿車羊車一名輦其上如輶小兒衣青布袴褶五辯髻數人引之時名羊車小史漢氏或以人牽或駕果下馬梁貴賤通得乘之名曰牽子

畫輪車一乘駕牛乘用如齊制舊史言之詳矣

衣書車十二乘駕牛漢阜蓋朱裏過江加綠油幢朱絲絡青交路黃金塗五末一曰副車梁朝謂之衣書車皇太子鸞輶駕三馬左右駢朱班輪倚獸較伏鹿軾九

旒畫降龍青蓋畫幡文輶黃金塗五末近代亦謂之鸞
輶卽象輶也梁東宮初建及太子釋奠元正朝會則乘
之以畫輪為副若常乘畫輪以輶衣書車為副畫輪車
上開四望綠油幢朱繩絡兩箱裏飾以錦黃金塗五末
二千石四品已上及列侯皆給輶車駕牛伏兔箱青油
幢朱絲絡轂輶皆黑漆天監二年令三公開府尚書令
則給鹿幡輶施耳後戶阜輶尚書僕射左右光祿大夫
侍中中書監令祕書監則給鳳輶輶後戶阜輶領護國

子祭酒太子詹事尚書侍中列卿散騎常侍給聊泥輶
無後戶漆輪車騎驃騎及諸王除刺史帶將軍給龍雀
輶以金銀飾御史中丞給方蓋輶形如小傘

諸王三公有勲德者皆特加皐輪車駕牛形如犢車但
烏漆輪轂黃金雕裝上加青油幢朱絲絡通幙或四望
上臺三夫人亦乘之以揭幢涅幙為副王公加禮者給
油幢絡車駕牛朱輪華轂天監二年令上臺六宮長公
主公主諸王太妃妃皆乘清油輿幢通幙車揭幢涅幙

為副采女皇女諸王嗣子侯夫人皆乘赤油搨幢車以
涅幙為副侍女直乘涅幙之乘諸王三公並乘通幙平
乘車竹筭子璧仰櫛榆為輶如今犢車一軸舉幙通覆上
方州刺史並乘通幙平肩輿從橫施八橫亦得金渡裝
較天子至于下賤通乘步輿方四尺上施隱膝以及襯
舉之無禁限載輿亦如之但不施脚以其就席便也優
禮者人輿以升殿司徒謝朏以腳疾優之

五牛旗左青赤右白黑黃居其中蓋古之五時副車也

舊有五色立車五色安車合十乘名為五時車建旗十二各如車色立車則正豎其旗安車則斜注馬亦隨五時之色白馬則朱其鬚尾左右駢驥金鑾鏤錫黃屋左纛如金根之制行則從後名五時副車晉過江不恒有事則權以馬車代之建旗其上後但以五色木牛象車豎旗於牛背使人輿之旗常纏不舒唯天子親戎乃舒其旆周遷以為晉武帝平吳後造五牛之旗非過江始為也

指南車大駕出為先啓之乘漢初置俞兒騎並為先驅
左太冲曰俞騎騁路指南司方後廢其騎而存其車
記里車駕牛其中有木人執槌車行一里則打一槌
鼓吹車上施層樓四角金龍銜旒蘓羽葆凡鼓吹陸則
樓車水則樓船在殿庭則畫筭虞為樓樓上有翔鷺棲
鳥或為鵠形

陳承梁末王琳縱火延燒車府至天嘉元年勅守都官
尚書寶安侯到仲舉議造玉金象革木等五輶及五色

副車皆金薄交龍為輿倚較文貔伏軾蚪首銜軛左右
吉陽甯鸞雀立衡櫟文畫幡綠油蓋黃絞裏相思撩金
華末斜注旂旗於車之左各依方色加棨戟於車之右
韜以散繡之衣獸頭幡長丈四尺懸於戟杪王輶正副
同駕六馬餘輶皆駕四馬馬並黃金為义髦挿以翟尾
玉為鏤錫又以綵畫赤油長三尺廣八寸繫兩軸頭古
曰飛軖改以綵畫蛙蟆幡綴兩軸頭即古飛軖遺象也
五輶兩箱後皆用玳瑁為鷗翅加以金銀雕飾故俗人

謂之金鵲車兩箱之裏衣以紅錦金花帖釘上用紅紫
錦為後檐青絞純帶夏用簟冬用綺繡褥此後漸修具
依梁制

後魏天興初詔儀曹郎董謐撰朝饗儀始制軒冕未知
古式多違舊章孝文帝時儀曹令李韶更奏詳定討論
經籍議改正之唯備五輶各依方色其餘車輦猶未能
具至熙平九年明帝又詔侍中崔光與安豐王延明博
士崔瓚採其議大造車服定制五輶並駕五馬皇太子

乘金輶朱蓋赤質四馬三公及王朱屋青表制同於輶
名曰高車駕三馬庶姓王侯及尚書令僕已下列卿已
上並給輶車駕用一馬或乘四望通幙車駕一牛自斯
以後條章粗備北齊咸取用焉其後因而著令並無增
損

王庶姓王儀同三司已上親公主雉尾扇紫傘皇宗及
三品已上官青傘朱裏其青傘碧裏達於士人不禁
正從第一品執事官散官及儀同三司諸公主得乘油

色朱絡網車車牛飾得用金塗及純銀二品三品得乘
卷通幙車車牛飾用金塗四品已下七品已上得乘偏
幙車車牛飾用銅

尚書令給哄士十五人左右僕射御史中丞各十二人
周氏設六官置司輶之職以掌公車之政辨其名品與
其物色

皇帝之輶十有二等一曰蒼輶以祀昊天上帝二曰青
輶以祀東方上帝三曰朱輶以祀南方上帝及朝日四

曰黃輶以祭地祇中央上帝五曰白輶以祀西方上帝及夕月六曰玄輶以祀北方上帝及感帝祭神州此六輶通漆之而已不用他物為飾皆疏面旒就以方色俱十有二疏面刻皮當顧七曰玉輶以享先皇加元服納后八曰碧輶以祭社稷享諸先帝大貞於鼈食三老五更享食諸侯及耕籍九曰金輶以祀星辰祭四望視朔大射賓射饗羣臣巡犧牲養國老十曰象輶以望秩羣祀視朝燕諸侯及羣臣燕射養庶老適諸侯家巡省臨太學幸

道法門十一曰革輶以巡兵即戎十二曰木輶以田獵
行鄉畿此六輶又以六色漆而畫之用玉碧金象革物
以飾諸末皆錫面金鉤就以五采俱十有二

錫面鏤金當願鉤以

屬勒
鞚纓

皇后之車亦十二等一曰重翟以從皇帝

重翟羽為車蕃祀郊

謀享先皇朝皇太后二曰厭翟以祭陰社

次其羽也郊

輶以採桑

翟羽飾之

四曰翠輶以從皇帝見賓客

翠羽飾之五曰

雕輶以歸寧

刻諸未也

六曰篆輶以臨諸道法門

篆諸飾之六輶

皆錫面朱總總以朱絲為之置馬勒直兩耳與兩鑣也金鉤七曰蒼輶以適命婦家八曰青輶九曰朱輶十曰黃輶十一曰白輶十二曰玄輶五時常出入則供之六輶皆疏面續總以畫繒為之

諸公之輶九方輶各象方色碧輶金輶皆錫面鞶纓九就金鉤象輶犀輶貝輶革輶篆輶木輶皆疏面鞶纓九就凡就皆以朱白蒼三采諸侯自方輶而下八又無碧輶諸伯自方輶而下七又無金輶諸子自方輶而下六又

無象輶諸男自方輶而下五又無犀輶凡就各如其命

諸公夫人之輶車九厭翟翟輶翠輶皆錫面朱總金鉤

雕輶篆輶皆勒面刻白黑韋為當顱 繢總朱輶黃輶白輶玄輶

皆雕面

刻漆韋鷺總總青黑色繒為當顱

諸侯夫人自翟輶而

下八諸伯夫人自翠輶而下七諸子夫人自雕輶而下

六諸男夫人自篆輶而下五輦纓就數各視其君

公孤卿大夫皆以中之色乘祀輶士乘祀車

三公之輶車九祀輶犀輶貝輶篆輶木輶夏篆夏纓墨

車轔車自篆已上金塗諸末疏錫盤纓金鉤木輶已下
銅飾諸末疏盤纓皆九就三孤自祀輶而下八無犀輶
六卿自祀輶而下七又無貝輶上大夫自祀輶而下六
又無篆輶中大夫自祀輶而下五又無木輶下大夫自
祀輶而下四又無夏篆士車三祀車墨車轔車凡就各
如其命之數自孤下就以朱綠二采

三妃三公夫人之輶九篆輶朱輶黃輶白輶玄輶皆勒
面繢總夏篆夏繒墨車轔車皆雕面鷺總三娥三孤內

子自朱輶已下八六嬪六卿內子自黃輶而下七上媛
婦中大夫孺人自玄輶而下五下媛婦大夫孺人自夏
篆而下四御婉士婦人自夏縵而下三其輦纓就各以
其等皆簾第漆之君以赤卿大夫士以玄君駕四三輶
六轡卿大夫駕三二輶五轡士駕二一輶四轡

輶之制重輪重較而加耳焉皇帝皇后之輶輿廣六尺
有六寸輪高七尺畫輪轂輶衡以雲牙箱軾以虞文虞
內畫以雜獸獸伏軾鹿倚較諸侯及夫人命夫命婦之

輶車廣六尺有二寸輪崇六尺有六寸畫轂以雲牙軾
以虞文虞內畫以雲華鹿倚較士不畫后夫人內子已
下同去獸與鹿

凡旗太常畫三辰日月五星旂畫青龍皇帝升龍旛畫朱雀
旌畫黃麟旂畫白獸旂畫玄武皆加雲其禮物在軍亦

書其事號加之以雲氣徽幟亦如之

通帛為旛雜帛為物在軍亦書其人

官與姓名之事號徽幟亦書之但畫其所書之例
旂節又畫白獸而析羽於其

上

司掌掌旗物之藏通帛之旗六以供郊丘之祀一曰蒼
旗二曰青旗三曰朱旗四曰黃旗五曰白旗六曰玄旗
畫繢之旗六以充玉輶之等一曰三辰之常二曰青龍
之旗三曰朱鳥之旗四曰黃麟之旗五曰白獸之旗六
曰玄武之旗皆左建旗而右建闖戟又有繼旗四以施
軍旅一曰麾以供軍將二曰旆以供師帥三曰旛以供
旅帥四曰旆以供卒長諸公方輶碧輶建旂金輶建旛
象輶建旛木輶建旛諸侯自金輶而下如諸公之旗諸

伯自象輶而下如諸侯之旗諸子自犀輶而下如諸伯之旗諸男自篆輶而下如諸子之旗三公犀輶貝輶篆輶建旃木輶建旃夏篆夏纓及轂車建物孤卿已下各以其輶建其旗

旌杠皇帝六刃諸侯五刃大夫四刃士三刃

旒皇帝曳地諸侯及軺大夫及轂士及軫凡注毛於杠首曰綏折羽曰旌全羽曰旆其幘皇帝諸侯加以弧羈闔戰方六尺而被之以彀唯皇帝諸侯輶建焉闔戰杠綏與旗

同車之蓋圓以象天輿方以象地輪輻三十以象日月
蓋橑二十有八以象列宿設和鸞以節趨行被旗旒以
表貴賤其取象也大其彰德也明是以王者尚之

皇帝皇后在喪之車五一曰木車初喪乘之二曰素車
卒哭乘之三曰藻車既練乘之四曰駔車祥而乘之五
曰漆車禫而乘之及平齊得其輿輶藏於中府盡不施
用至大象初遣鄭譯閱視武庫得魏舊物取尤異者並
加雕飾分給六宮有乾象輦羽葆圓蓋畫日月五星二

十八宿天街雲罕山林奇怪及遊麟飛鳳朱雀玄武駕
虞青龍駕二十四馬以給天中皇后助祭則乘又有大
樓輦車龍輶十二加以玉飾四轂六衡方輿圓蓋金鸞
樹羽寶鐸旒蘓鸞雀立衡六螭龍銜軛建太常畫升龍
日月駕二十牛又有象輦左右金鳳白鹿仙人羽葆旒
蘓金鈴玉佩初駕二象後以六駝代之并有遊觀小樓
等輦駕十五馬車等合十餘乘皆魏天興中之所制也
宣帝至是咸復御之復令天下車皆以渾成木為輪

開皇元年內史令李德林奏周魏輿輦乘制請皆廢毀
高祖從之唯留魏太和時儀曹令李韶所制五輶齊天
保所遵用者又留魏熙平中太常卿穆紹議皇后之輶
其從祭則御金根車親桑則御雲母車並駕四馬歸寧
則御紫罽車遊行則御安車弔問則御紺罽輶車並駕
三馬於後著令制五輶

玉輶青質以玉飾諸末重箱盤輿左青龍右白虎金鳳
翅畫虞文鳥獸黃屋左纛金鳳在軾前八鸞在衡二鈴

在軾龍輶前設鄣塵青蓋黃裏繡飾博山鏡子樹羽輪
皆朱斑重牙左建旗十有二旒幙旒皆畫升龍其長曳
地右載闇戟長四尺廣三尺黻文旂首金龍頭銜結綬
及鈴綺駕蒼龍金鑿方釦挿翟尾五隼鏤錫鞚纓十有
二就錫馬當顱鏤金為之鞚馬大帶纓馬鞅皆以五彩飾之就成也一帀為一就祭祀納后
則供之

金輶赤質以金飾諸末左建旂右建闇戟旂畫隼餘與玉輶同駕赤駒朝覲會同饗射飲至則供之

象輶黃質以象飾諸末左建旌右建闡戟旌畫黃麟駕黃駢

行道則供之

革輶白質輶之以革左建旗右建闡戟旗畫白獸駕白駸巡

守臨兵事則供之

木輶漆之左建旆右建闡戟旆畫龜蛇駕黑駢田獵則供之

五輶之蓋旌旗之質及輶纓皆從輶之色蓋之裏俱用

黃其鏤錫五輶同

安車飾重輿曲壁紫油纁朱裏通幙朱絲絡網朱輶纓

朱覆髮具絡駕赤驥臨幸則供之

四望車

制同
犧車

金飾青油纁朱裏通幙拜陵臨弔則供之

皇后皇太后重翟青質金飾諸末朱輪金根朱牙其箱
飾以重翟羽青油纁朱裏通幙繡紫帷朱絲絡網繡紫
絡帶八鑾在衡錫輶纓十二就金愛方釗挿翟尾朱總
總以朱為之如馬縷而小著馬勒在兩耳兩鑰也

駕蒼龍受冊從郊祫享廟則

供之

厭翟赤質金飾諸末輪畫朱牙其箱飾以次翟羽紫油

纁朱裏通幙紅錦帷朱絲絡網紅錦絡帶其餘如重翟
駕赤駢親桑則供之

翟車黃質金飾諸末輪畫朱牙其車側飾以翟羽黃油
纁黃裏通幙白紅錦帷朱絲絡網白紅錦絡帶其餘如
重翟駕黃駢歸寧則供之諸翬纓之色皆從車質

安車赤質金飾紫通幙朱裏駕四馬臨幸及弔則供之
皇太子金輅赤質金飾諸末重較箱畫虞文鳥獸黃屋
伏鹿軾龍輶金鳳一在軸前設鄣塵朱蓋黃裏輪畫朱

牙左建旂九旒右載闡旂首金龍頭銜結綬及鈴綆
駕赤駒四八鑾在衡二鈴在軾金鑾方釦插翟尾五隼
鏤錫翬纓九就從祀享正冬大朝納妃則乘之

輶車金飾諸末紫通幘朱裏駕一馬五日常朝及朝饗
宮臣出入行道乘之

四望車金飾諸末紫油纁通幘朱裏朱絲絡網駕一馬
弔臨則乘之

公及一品象輶黃質以象飾諸末建旛畫以鳥隼受冊

告廟升壇上任親迎及葬則乘之

侯伯及二品三品革輶白質以革飾諸末建旛畫熊獸受冊告廟親迎及葬則乘之

子男及四品木輶黑質以漆飾之建旛畫以鼴蛇受冊告廟親迎及葬則乘之

象輶已下旒及就數各依爵品雖依禮製名未及創造開皇三年閏十二月並詔停造而盡用舊物至九年平陳又得輿輦舊著令者以付有司所不載者並皆毀棄

雖從儉省而於禮多闕十四年詔又以見所乘車輶因循近代事非經典令更議定於是命有司詳考故實改造五輶及副玉輶青質祭祀乘之金輶赤質朝會禮還乘之象輶黃質臨幸乘之革輶白質戎事乘之木輶玄質耕籍乘之五輶皆朱斑輪龍軻重輿建十二旒並畫升龍左建闡戟旂旒與輶同色樊纓十有二就王五等開國第一第二品及刺史輶朱質朱蓋斑輪左建旂旂畫龍一升一降右建闡戟第三第四品輶朱質朱蓋左

建旛通帛為之旂旛皆赤其旒及樊纓就數各依其品
大業元年更製車輦五輶之外設副車詔尚書令楚公
楊素吏部尚書竒章公牛弘工部尚書安平公宇文愷
內史侍郎虞世基禮部侍郎許善心太府少卿何稠朝
請郎閻毗等詳議奏決於是審擇前朝故事定其取捨
云

玉輶禋祀所用飾以玉白虎通云玉輶大輶也周禮巾
車氏所掌鏤錫樊纓十有再就建太常十有二旒虞氏

謂之鸞車夏后氏謂之鉤車殷謂之大輶周謂之乘輶
大戴禮著其形式上蓋如規象天二十八橑象列星下
方輿象地三十輻象一月前視則覩鑾和之聲側觀則
覩四時之運昔成湯用而郊祀因有山車之瑞亦謂桑
根車蔡邕獨斷論漢制度凡乘輿車皆有六馬羽蓋金
瓜黃屋左纛鏤夔方釓重轂繁纓黃繒為蓋裏也左纛
以旄牛尾建於竿上其大如斗立于左駢也鏤夔高闔
各五寸上如傘形施於轂上而挿翟尾也方釓當顱蓋

馬冠也繁纓膺前索也重轂重施轂也應劭漢官大輶
龍旂畫龍於旂上也董巴志謂為瑞山車秦謂金根即
殷輶矣司馬彪志亦云漢備五輶或謂德車其所駕馬
皆如方色唯晉太常卿摯虞獨疑大輶謂非玉輶摯虞
之說理實可疑而歷代通儒混為玉輶詳其施用義亦
不殊左建太常案釋名日月為常畫日月於旗端言常
明也又云自夏始也奚仲為夏車正加以旂常於是旒
就有差用明尊卑之別也董巴所述全明漢制天子建

太常十二旂曳地日月升龍象天明也今之玉輅參用
舊典消息取捨裁其折中以青為質玉飾其末重箱盤
輿左龍右獸金鳳翅畫虞文輶左立纛金鳳一在軾前
八鸞在衡二鈴在軾龍輶之上前設鄣塵青蓋黃裏繡
游帶金博山綴以鏡子下垂八佩樹四十葆羽輶皆朱
斑重牙復轄左建太常十有二旒皆畫升龍日月其長
曳地右載闔閭戟長四尺闊三尺黻文旗首金龍頭銜鈴
及綆垂以結綬駕蒼龍金鑿方釓挿翟尾五隼鏤錫鞶

纓十有二就皆五繒屬以為文飾天子祭祀納后則乘之馭士二十八人餘輶準此

副車案蔡邕獨斷五輶之外乃復設五色安車立車各一乘皆駕四馬是為五時副車俗人名曰五帝車者蓋副車也故張良狙擊秦皇帝誤中副車漢家制度亦備副車司馬彪云德車駕六後駕四是為副車魏志亦云天子命太祖駕金根六馬設五時副車江左乃闕至梁始備開皇中不置副車平陳得之毀而弗用至是復並

設之副玉輶色及旗章一同正輶唯降二等駕用四馬
馭士二十四人餘四副準此

金輶案尚書即綴輶也周官金輶鏤錫繁纓九就建大
旂以賓同姓以封夫禮窮則通下得通於上也故天子
乘之接賓宴同姓諸侯受而出封是以漢太子諸王皆
乘金輶及安車並朱斑輪倚獸較伏鹿軾黑旛文畫藩
青蓋金華施撩朱畫轅金塗飾非皇子為王不錫此乘
皆左右駢駕三馬旂九旒畫降龍皇孫乘綠車亦駕之

魏晉制太子及諸王皆駕四馬依摯虞議天子金輶次
在第二又云金輶以朝象輶以賓則是晉用輶與周異
矣宋起居注泰始四年尚書令建安王休仁議天子之
元子士也故齒胄於辟雍欲使知教而後尊不得生而
貴矣既命之後禮同上公故天子賜之金輶但減旂章
為等級象及革木賜異姓諸侯在朝卿士亦準斯例此
則皇太子及帝子王者通得乘之自晉過江王公以下
車服卑雜唯有太子禮秩崇異又乘石山安車義不經

見事無所出賜金輶者此為古制降乘輿二等駕用四
馬唯天子五輶通駕六馬旗旌旗旐並十二旒左建旗
案爾雅錯革鳥曰旗郭璞云此謂全剥鳥皮毛置之竿
上也舊說刻為革鳥孫叔敖云革急也言畫急疾鳥於
旒上也周官所謂鳥隼為旗亦是急義今之金輶赤質
黃金飾諸末左建旛畫飛隼右建闡戟輦輿鳳翅等並
同玉輶駕赤駢臨朝會同饗射飲至則用之皇太子輶
古者金飾宋齊以來並乘象輶宇文愷闡毗奏案宋大

明六年初備五輶有司奏云秦改周輶倉制金根漢魏
因循其形莫改而金玉二輶雕飾略同造次瞻覩殆無
差別若錫於東儲在禮嫌重非所以崇峻陞級表示等
威今皇太子宜乘象輶碧旛九葉進不斥尊退不逼下
酌時沿古於禮為中觀宋此義乃無副車新置五輶金
玉同體至象已下卽為差降所以太子不得乘金輶欲
示等威故令給象今取周禮之名依漢家之制天子五
輶形飾並同旒及繁縟例皆十二黃屋左纛金根重轂

無不悉同唯應五方色以為殊耳若用此輶給於太子革木盡皆不可何況金象者乎既製副車駕用四馬至於金輶自有等差春秋之義降下以兩今天子金輶駕用六馬十二旒太子金輶駕用四馬降龍九旒制頗同於副車又有旌旗之別并嫡皇孫及親王等輶並給金輶而減其雕飾合於古典臣謂非嫌制曰可於是太子金輶赤質制同副車具體而小亦駕四馬馭士二十人皇嫡孫金輶綠質降太子一等去盤輿重轂轅上起箱

末以金飾旌長七尺七旒駕用四馬馭士一十八人親王金輶以赤為質餘同於皇嫡孫唯在其國及納妃親迎則給之常朝則乘象輶

象輶案尚書即先輶也周禮象輶朱繁纓五就建大赤以朝異姓以封左建旌案爾雅注旌首曰旌許慎所說游車載旌廣雅云天子旌高九尺諸侯七尺大夫五尺周書王會張羽鳬旌禮記云龍旂九旒天子之旌也今象輶以黃為質象飾諸末左建旌畫綠麟右建闡戟駕

黃驥祀后土則用之

革輶案釋名天子車也周禮革輶龍勒條纓五就建大白用之即戎以封四衛古者革輶而漆之更無他飾又有戎輶之萃廣車之萃闕車之萃輕車之萃此皆兵車所謂五戎然革輶亦名戎輶天子在軍所乘廣車橫陣車也闕車補闕車也飾並以革故師供革車各以其革摯虞議云革輶第四左建旌案釋名熊獸為旗周官龍旂九旒以象大火今革輶白質輶之以革左建旗畫騶

虞右建闈戟駕白駞巡守臨兵則用之三品已下並乘革輶朱色為質馭士十六人

木輶案尚書即次輶也周官木輶緇樊鵠纓建麾以畋以封藩國晉摯虞云畋輶第五唯宋泰始詔乘木輶以耕稼徐爰釋疑略曰天子五輶晉遷江左闕其三唯有金輶以郊木輶即戎宋大明時始備其數

凡五輶之蓋旌旗之質及輦纓皆從方色蓋裏並黃雕飾如一沈約曰金象革木禮圖不載其形今旒數羽葆

並同玉輶左建旐案周官龜蛇為旐釋名云龜知氣兆之吉凶也許慎云旐有四旂以象營室今木輶黑質漆之左建旐畫玄武右建闡戟駕黑驥畋獵用之四品方伯乘木輶赤質駕士十四人

安車案禮卿大夫致事則乘之其制如輶輶蔡邕獨斷有五色安車皆畫輪重轂今畫輪重輿曲壁紫油幢絳裏通幙朱絲絡網赤輶纓駕四馬省問臨幸則乘之皇子安車班輪赤質制略同乘輿亦駕四馬

四望車案晉中朝大駕鹵簿四望車駕牛中道東宮舊儀皇太子及妃皆有畫輪四望車今四望車制同犧車黃金飾青油幢朱裏紫通幙紫絲網駕一牛拜陵臨弔則用之皇太子四望車綠油幢青通幙朱絲絡網

耕根車案沈約云親幸耕籍御之三蓋車一名芝車又名耕根車置耒耜於軾上即潘岳所謂紺轍屬於黛耜者也開皇無之駕出親耕則乘木輶蓋依宋泰始之故事也今耕根車以青為質三重施蓋羽葆雕裝並同玉

輶駕六馬其軾平以青囊盛末而加於上籍千畝行三
推禮則親乘焉

羊車案晉司隸校尉劉毅奏護軍羊琇私乘者也開皇
無之至是始置焉其制如輶車金寶飾紫錦幙朱絲網
馭童二十人皆兩鬟髻服青衣取年十四五者為謂之
羊車小史駕以果下馬其大如羊

屬車案古者諸侯貳車九乘秦滅九國兼其車服故為
八十一乘漢遵不改武帝祠太一甘泉則盡用之明帝

上原陵又用之法駕三十六乘小駕十二乘開皇中大
駕十二乘法駕減半大業初屬車備八十一乘並如犧
車紫通幙朱絲絡網黃金飾駕一牛在鹵簿中單行正
道至三年二月帝嫌其多問起部郎閻毗毗曰臣共宇
文愷參詳故實此起於秦遂為後式故張衡賦云屬車
九九是也次及法駕三分減一此漢制也故文帝紀奉
天子法駕迎代邸如淳曰屬車三十六乘是也又據宋
孝建時有司奏議晉遷江左唯設五乘尚書令建平王

宏曰八十一乘無所準憑江左五乘儉不中禮但帝王旂旒之數皆用十二今宜準此設十二乘開皇平陳因以為法令憲章往古大駕依秦法駕依漢小駕依宋以為差等帝曰大駕宜用三十六法駕宜用十二小駕除之可也

輦案釋名人所輦也漢成帝遊後庭則乘之徐爰釋問云天子御輦侍中陪乘今輦制象輶車而不施輪通幙朱絡飾以金玉用人荷之

副輦加篷制如犢車亦通幘朱絡謂之蓬輦自梁武帝始也

輿案說文云箇竹輿也周官曰周人上輿漢室制度以雕玉為之方徑六尺今輿制如輦而但小耳宮苑宴私則御之

小輿幘方形同幄帳自閣出升正殿則御之

輶車案六韜一名遙車蓋言遙遠四顧之車也漢武帝迎申公弟子二人乘輶傳從此又是馳傳車也晉氏鹵

簿御史輶車行中道晉公卿禮秩云尚書令輶黑耳後戶今輶車青通幘駕二馬王侯入學五品朝婚通給之司隸刺史及縣令詔使品第六七則並駕一馬

犢車案魏武書贈楊彪七香車二乘用牛駕之蓋犢車也長沙耆舊傳曰劉壽常乘通幘車今犢車通幘自王公已下至五品已上並給乘之三品已上青幘朱裏五品已上紺幘碧裏皆白銅裝唯有慘及弔喪者則不張幘而乘鐵裝車六品已下不給任自乘犢車弗許施幘

初五品已上乘偏幙車其後嫌其不美停不行用以亘
幙代之三品已上通幙車則青璧一品輶車油幙朱網
唯車輶一等聽勅始得乘之

馬珂三品已上九子四品七子五品五子

皇后重翟車案周禮正后亦有五輶一曰重翟二曰厭
翟三曰安車四曰翟車五曰輦車漢制后法駕乘重翟
車今重翟青質金飾諸末畫輪金根朱牙重轂其箱飾
以重翟羽青油幢朱裏通幙紫繡帷朱絲絡紫繡帶八

鑾在衡鏤錫輦纓十有二就金鑿方釭捕翟尾朱總綴於馬勒及兩金鑣之上駕蒼龍受冊從祀郊廟享廟則供之

厭翟赤質金飾諸末朱輪畫朱牙其箱飾以次翟羽紫油幢朱裏通幙紅錦帷朱絲絡網紅錦帶其餘如重翟駕赤駒採桑則供之

翟車黃質金飾諸末輪畫朱牙其箱飾以翟羽黃油幢黃裏通幙白紅錦帷朱絲絡網白紅錦帶其餘如重翟

駕黃驥歸寧則供之諸輦纓之色皆從車質

安車金飾紫通幘朱裏駕四馬臨幸及弔則供之

輦車金飾同於蓬輦通幘班輪駕用四馬宮苑近行則乘之

皇后屬車三十六乘初宇文愷間毗奏定請減乘輿之半禮部侍郎許善心奏駁曰謹案周禮后備六服并設五輶采章之數並與王同屬車之制不應獨異又宋孝建時議定輿輦天子屬車十有二乘至大明元年九月

有司奏皇后副車未有定式詔下禮官議正其數博士
王燮之議鄭玄云后象王立六宮亦正寢一而燕寢五
推其所立每與王同謂十二乘通闕為允宋帝從之遂
為後式今請依乘輿不湏差降制曰可

三妃乘翟車以赤為質駕二馬九嬪已下並乘犧車青

幘朱絡網

皇太子妃乘翟車以赤為質駕三馬畫轅金飾犧車為
副紫幘朱絡網良娣已下並乘犧車青幘朱裏

三公夫人公主王妃並犢車紫幘朱網絡五品已上命
婦並乘青幘與其夫同

隋書卷十

隋書卷十考證

禮儀志五金鑿鏤錫○監本錫訛錫按詩經鈞膺鏤錫傳鏤錫有金鏤其錫也箋眉上曰錫刻金飾之今當盧也疏以縷金加於馬面之錫左傳錫鸞和鈴昭其聲也注錫在馬額陸德明音義錫音羊臣映斗按錫金旁從易與金錫之錫金旁從易音昔者各為一字音義並殊詩箋所謂當盧即下文之當顱詩疏所謂馬面之錫即下文之錫面本卷錫字甚多率訛作錫

今悉改正

三曰驂○各本作旂通考作旂音伐

行道則供之○通考行道作祀后土

駕白駱○監本駱訛輶宋本同臣映斗按上文是革輶

所駕之馬爾雅白馬黑鬚駱則為白駱無疑通考作

白駢孫炎爾雅注駢赤色也詩經集傳赤身黑鬚曰

駢無由稱白駢也

張良狙擊○監本狙訛徂史記留侯世家作狙注服虔

曰伺也候也

羊車晉司隸校尉劉毅奏護軍羊琇私乘者也開皇無之至是始置焉○臣映斗按周禮攷工記羊車二柯

有參分柯之一注羊善也若今定張車宮中所用晉

書輿服志羊車一名輦車又衛玠傳少時乘羊車於

洛陽市北史齊武成帝以斛律金舊老每朝賜羊車

上殿本志亦載羊車一名輦漢氏或以人牽或駕果

下馬然則羊車之制古矣

隋書卷十考證

欽定四庫全書

隋書卷十一

史部

唐太尉揚州都督監脩國史上柱國趙國公臣長孫無忌等撰

志第六

禮儀六

梁制乘輿郊天祀地禮明堂祠宗廟元會臨軒則黑介
幘通天冠平冕俗所謂平天冠者也其制玄表朱綠裏
廣七寸長尺二寸加於通天冠上前垂四寸後垂三寸

前圓而後方垂白玉珠十有二旒其長齊肩以組為纓各如其綬色傍垂莊纊琉璃珠以玉瑱其衣早上絳下前三幅後四幅衣畫而裳繡衣則日月星辰山龍華蟲火宗彝畫以為續裳則藻粉米黼黻以為繡凡十二章素帶廣四寸朱裏以朱繡裨飾其側中衣以絳緣領袖赤皮為韁蓋古之鞍也絳袴袜赤舄佩白玉垂朱黃大綬黃赤縹紺四采革帶帶劔組帶以組為之如綬色黃金辟邪首為帶鐫而飾以白玉珠又有通天冠高九寸前

加金博山述黑介幘絳紗袍阜緣中衣黑舄是為朝服
元正賀畢還儲更衣出所服也其釋奠先聖則阜紗袍
絳緣中衣絳袴袜黑舄臨軒亦服袞冕未加元服則空
頂介幘拜陵則箋布單衣介幘又有五梁進賢冠遠遊
平上幘武冠單衣黑介幘宴會則服之

單衣白哈以代古之疑衰皮弁為弔服為羣臣舉哀臨
喪則服之

天監三年何佟之議公卿以下祭服裏有中衣即今之

中單也案後漢輿服志明帝永平二年初詔有司採周官禮記尚書乘輿服從歐陽說公卿以下服從大小夏侯說祭服絳緣領袖為中衣絳袴祫示其赤心奉神今中衣絳緣足有所明無俟於袴旣非聖法謂不可施遂依議除之

四年有司言平天冠等一百五條自齊以來隨故而毀未詳所送何佟之議禮祭服敝則焚之於是並燒除之其珠玉以付中署

七年周捨議詔旨以王者袞服宜畫鳳皇以示差降按
禮有虞氏皇而祭深衣而養老鄭玄所言皇則是畫鳳
皇羽也又按禮所稱雜服皆以衣定名猶加袞冕則是
袞衣而冕明有虞言皇者是衣名非冕明矣畫鳳之旨
事實灼然制可又王僧崇云今祭服三公衣身畫獸其
腰及袖又有青獸形與獸同義應是雖即宗彝也兩袖
各有禽鳥形類鸞鳳似是華蟲今畫宗彝即是周禮但
鄭玄云雖鷗屬昂鼻長尾是獸之輕小者謂宜不得同

獸尋冕服無鳳應改為雉又裳有圓花於禮無礙疑是
畫師加葩薦耳藻米黼黻並乖古制今請改正并去圓
花帝曰古文日月星辰此以一辰攝三物也山龍華蟲
又以一山攝三物也藻火粉米又以一藻攝三物也是為
九章今袞服畫龍則宜應畫鳳明矣孔安國云華者花
也則為花非疑若一向畫雉差降之文復將安寄鄭義
是所未允又帝曰禮王者祀昊天上帝則大裘而冕祀
五帝亦如之又云莞席之安而蒲越橐秸之用斯皆至

敬無文貴誠重質今郊用陶匏與古不異而大裘蒲秸
獨不復存其於質敬恐有未盡且一獻為質其劔佩之
飾及公卿所著冕服可共詳定五經博士陸璋等並云
祭天猶存掃地之質而服章獨取黼黻為文於義不可
今南郊神座皆用袴席此獨莞類未盡質素之理宜以
橐秸為下藉蒲越為上席又司服云王祀昊天服大裘
明諸臣禮不得同自魏以來皆用裘服今請依古更制
大裘制可璋等又尋大裘之制唯鄭玄注司服云大裘

羔裘也既無所出未可為據案六冕之服皆玄上纁下今宜以玄纁為之其制式如裘其裳以纁皆無文繡冕則無旒詔可又乘輿宴會服單衣黑介幘舊三日九日小會初出乘今輅服之八年帝改去還皆乘輦服白紗帽

九年司馬筠等參議禮記玉藻云諸侯玄冕以祭裨冕以朝雜記又云大夫冕而祭於公弁而祭於己今之尚書上異公侯下非卿士止有朝衣本無冕服但既預齊

祭不容同於在朝宜依太常及博士諸齋官例著阜衣
絳禊中單竹葉冠若不親奉則不須入廟帝從之

十一年尚書參議按禮跣韁事由燕坐屨不宜陳尊者
之側今則極敬之所莫不皆跣清廟崇嚴旣絕恒禮凡
有履行者應皆跣韁詔可

陳永定元年武帝即位徐陵白所定乘輿御服皆採梁
之舊制又以為冕旒後漢用白玉珠晉過江服章多闕
遂用珊瑚雜珠飾以翡翠侍中顧和奏今不能備玉珠

可用白璇從之蕭驕子云白璇蟠珠是也帝曰形制依此今天下初定務從節儉應用繡織成者並可彩畫金色宜塗珠玉之飾任用蟠也至天嘉初悉改易之定令具依天監舊事然亦往往改革今不同者皆隨事於注言之不言者蓋無所改制云

皇太子金璽龜鈕朱綬三百二首朝服遠遊冠金博山佩

瑜玉翠綾垂組朱衣絳紗袍皂緣白紗巾衣白曲領帶鹿盧劍火珠首素革帶玉鉤變獸頭盤囊其大小會祠

廟朔望五日還朝皆朝服常還上宮則朱服若釋奠則遠遊冠玄朝服絳緣中單絳袴袜玄舄講則著介幘又有三梁進賢冠其侍祀則平冕九旒袞衣九章白紗絳緣中單絳繒韁赤舄絳鞚若加元服則中舍執冕從皇太子舊有五時朝服自天監之後則朱服在上省則烏帽永福省則白帽云

諸王金璽龜鈕纁朱綬一百六首朝服遠遊冠介朱衣絳紗袍皂緣中衣素帶黑舄佩山玄玉垂組大帶獸頭盤

腰劔若加餘官則服其加官之服

開國公金章龜鈕玄朱綬二百四首朝服紗朱衣進賢三

梁冠佩山玄玉獸頭鞶腰劔

開國侯伯金章龜鈕青朱綬一百二首朝服紗朱衣進賢

三梁冠佩水蒼玉獸頭鞶腰劔

開國子男金章龜鈕青綬二百首朝服紗朱衣進賢三梁

冠佩水蒼玉獸頭鞶腰劔

縣鄉亭閣內閣中及名號侯金印龜鈕紫綬朝服進賢

二梁冠獸頭鞶腰劔

關內
閩中及名號侯則珪劔

關外侯銀印珪鈕青綬朝服進賢二梁冠獸頭鞶腰劔

諸王嗣子金印珪鈕紫綬

八十首

朝服進賢二梁冠佩山

玄玉獸頭鞶腰劔

開國公侯嗣子銀印珪鈕青綬

八十首

朝服進賢二梁冠

佩水蒼玉獸頭鞶腰劔

太宰太傅太保司徒司空金章龜鈕紫綬

八十首

朝服進

賢三梁冠佩山玄玉獸頭鞶腰劔

陳令加有相國丞相服制同

大司馬大將軍太尉諸位從公者金章龜鈕紫綬八十

朝服武冠佩山玄玉獸頭鞶腰劔直將軍則不帶劔

凡公及位從公言以將軍及以左右光祿開府儀同者各隨本位號其文則曰某位號儀同之

章五等諸侯助祭郊廟皆平冕九旒青玉為珠有前無

後各以其綬色為組纓旁垂韁纊衣玄上纁下畫山龍

已下九章備五采大佩赤鸞胸屨錄尚書無章綬品秩

悉以餘官總司其任服則餘官之服猶執笏紫荷其在

都坐則東面最上

尚書令僕射尚書銅印墨綬朝服納言幘進賢冠佩水

蒼玉

尚書則無印綬

腰劔紫荷執笏

陳尚書令僕射金章龜鈕紫綬八十首獸頭鞶尚書

無印綬及鞶餘並同梁

侍中散騎常侍通直常侍員外常侍朝服武冠貂蟬

侍中

左挿常侍右挿

皆腰劔佩水蒼玉

其員外常侍不給佩

舊至尊朝會登殿

侍中常侍夾御御下輿則扶左右侍中驂乘則不帶劔

中書監令祕書監銅印墨綬朝服進賢兩梁冠佩水蒼

玉腰劔獸頭鞶

陳制銀章龜鈕青綬八十首獸頭鞶腰劔餘同梁

左右光祿大夫皆與加金章紫綬同其但加金紫者謂

之金紫光祿但加銀青者謂之光祿大夫

陳令有特進
進賢二染冠

朝服佩水蒼玉
腰劔梁令不載

光祿太中中散大夫太常光祿弘訓太僕太僕廷尉宗正大鴻臚大司農少府大匠諸卿丹陽尹太子保傳大長秋太子詹事銀章龜鈕青綬獸頭盤朝服進賢冠二梁佩水蒼玉卿大夫助祭則冠平冕五旒黑玉為飾有前無後各以其綬采為組纓旁垂韁纊衣玄上纁下畫

華蟲七章皆佩五采大佩赤鳥胸屨

陳宮卿改云慈訓
餘皆同梁又有大

舟卿服

章同

驃騎車騎衛將軍中軍冠軍輔國將軍四方中郎將金
章紫綬

中郎將則青綬

朝服武冠佩水蒼玉

陳令鎮衛驃騎車
騎中軍中衛中撫

軍中權四征四鎮四安四翊四平將軍金章獸鈕其冠
軍四方中郎將金章豹鈕並紫綬八十首獸頭盤朝服

武冠佩水蒼玉自中軍已下諸將軍

及冠軍四方中郎將並官不給佩

領護軍中領護軍五營校尉銀印青綬朝服武冠佩水
蒼玉獸頭盤其屯騎夾御日假給佩餘校不給

陳令領

龜鈕紫綬八十首中領護銀章龜鈕青綬八十首其五
營校尉銀印珪鈕青綬八十首官不給佩餘並同梁

弘訓衛尉衛尉陳宮卿云慈訓服但武冠司隸校尉陳無官服左右

衛驍騎游擊前左右後軍將軍龍驤寧朔建威振威奮

威揚威廣威武威建武振武奮武揚武廣武等將軍積

弩積射強弩將軍監軍銀章青綬朝服武冠佩水蒼玉

獸頭鞶驍游已下並不給佩驍游夾侍日假給陳令左右衛銀

章龜鈕不給劍左右驍騎游擊雲騎游騎前左右後軍

將軍左右中郎將銀印珪鈕餘服飾同梁亦官不給佩

其驍游雲騎夾御日假給其積弩積射強弩銅印環鈕
墨綬帶劍餘服同梁又有忠武軍師武臣爪牙龍騎雲

麾鎮兵翊帥宣惠宣毅智威仁威勇威信威嚴威智武
仁武勇武信武嚴武金章豹鈕紫綬八十首官不給輕
車鎮朔武旅貞毅朔威寧遠安遠征遠振遠宣遠等
將軍金章貔鈕紫綬並獸頭鞶朝服武冠佩水蒼玉

國子祭酒阜朝服進賢二梁冠佩水蒼玉

御史中丞都水使者銀印墨綬朝服進賢二梁冠獸頭

鞶腰劔佩水蒼玉

陳中丞銀章龜鈕青綬八十首二梁冠餘同梁其都水陳梁改為大舟卿

服在諸
卿中見

謁者僕射銅印環鈕墨綬八
十首朝服高山冠獸頭鞶佩

水蒼玉腰劔

諸軍司銀章龜鈕青綬朝服武冠獸頭鞶

給事中黃門侍郎散騎通直員外散騎侍郎奉朝請太

子中庶子庶子武衛將軍武騎常侍朝服武冠腰劔陳令

庶子已上簪筆其武衛不

劔正直夾御白布袴褶

中書侍郎朝服進賢一梁冠腰劔冗從僕射太子衛率

銅印墨綬獸頭鞶朝服武冠

陳衛率銀章龜鈕青綬不劔冗從銅印環鈕墨綬腰

劔餘並

同梁

武賁中郎將羽林監銅印環鈕墨綬朝服武冠獸頭鞶

腰劍其在陛牙及備鹵簿著髡尾絳紗縠單衣

護匈奴中郎將護羌戎夷蠻越烏丸西域校尉銀印珪

鈕青綬朝服武冠獸頭鞶

陳令無此官其庶子鎮蠻寧
蠻平戎西戎校尉平越中郎

將服

章同

安夷撫夷護軍州郡國都尉奉車駙馬騎都尉諸護軍

銀印珪鈕青綬獸頭鞶朝服武冠

陳安遠鎮蠻護軍州
郡國都尉奉車駙馬

騎都尉諸護軍
服章同無餘文

州刺史銅印墨綬獸頭鞶腰劍絳朝服進賢二梁冠
銅陳

章龜鈕青

綬餘同染

郡國太守相內史銀章龜鈕青綬獸頭鞶單衣介幘加中二千石依卿尹冠服劔佩

尚書左右丞祕書丞銅印環鈕黃綬獸爪鞶朝服進賢

一梁冠

尚書祕書著作郎太子中舍人洗馬舍人朝服進賢一

梁冠腰劔

諸王友文學朱服進賢一梁冠

陳令諸王
師服同

治書侍御史侍御史朝服腰劔法冠

治書侍御史則有銅印環鉗墨綬陳

又有殿中蘭臺侍御史朝服法冠腰劔簪筆

諸博士給阜朝服進賢兩梁冠佩水蒼玉

太學博士正限八人著佩限外六人不給

廷尉律博士無佩並簪筆

國子助教阜朝服進賢一梁冠簪筆

公府長史獸頭鞶諸卿尹丞黃綬獸爪鞶簪筆

諸縣署令秩千石者獸爪鞶銅印環鉗墨綬朝服進賢

兩梁冠長史朱服諸卿尹丞建康令玄服

公府掾屬主簿祭酒朱服進賢一梁冠公府令史亦同
領護軍長史朱服獸頭鞶諸軍長史單衣介幘獸頭鞶
諸卿部丞獄丞並阜朝服一梁冠黃綬獸爪鞶簪筆

太子保傳詹事丞阜朝服一梁冠簪筆獸爪鞶簪黃綬

郡國相內史丞長史單衣介幘長史獸頭鞶其丞黃綬
獸爪鞶

諸縣署令長相單衣介幘獸頭鞶銅印環鈕墨綬朝服

進賢一梁冠諸署令朱衣武冠州都大中正郡中正單

衣介幘

太子門大夫獸頭鞶陵令長獸爪鞶銅印環鈕墨綬朝服進賢一梁冠令長朱服率更家令僕朝服兩梁冠獸頭鞶腰劔

朝服武冠獸頭鞶

黃門諸署令僕長丞朱服進賢一梁冠銅印環鈕墨綬丞黃綬黃門冗從僕射監太子寺人監銅印環鈕墨綬

公府司馬領護軍司馬諸軍司馬護匈奴中郎將護羌戎夷蠻越烏丸戊己校尉長史司馬銅印環鈕墨綬獸頭鞶朝服武冠諸軍司馬單衣平巾幘長史介幘陳令司馬領護軍司馬諸軍司馬鎮安蠻安遠護軍蠻戎越校尉中郎將長史司馬其服章與梁官同

公府從事中郎朱服進賢一梁冠諸將軍開府功曹主簿單衣介幘革帶廷尉建康正監平銅印環鈕墨綬阜

零辟朝服法冠獸爪鞶

左右衛司馬銅印環鈕墨綬單衣帶平巾幘獸頭鞶

諸府參軍單衣平巾幘

諸州別駕治中從事主簿西曹從事立朝服進賢一梁

冠簪筆常公事單衣介幘朱衣

直閣將軍朱服武冠銅印珪鈕青綬獸頭鞶

直閣將軍諸殿主帥朱服武冠正直絳衫從則衲襷衫
諸開國郎中令大農公傳中尉銅印環鈕青綬朝服進
賢兩染冠中尉武冠皆獸頭鞶

諸開國三將軍銅印環鈕青綬朝服武冠限外者不給

印陳制墨綬
餘並同梁

開國掌書中尉司馬陵廟食官廡牧長典醫典府丞銅
印常侍侍郎世子庶子謁者中大夫舍人不給印典書
典祠學官令典膳丞長銅印限外者不給印

左右常侍侍郎典衛中尉司馬朝服武冠典書典祠學
官令朝服進賢一梁冠餘悉朱服一梁冠常侍侍郎典
書典祠學官

令簪筆
腰劍

太子衛率率更家令丞銅印環鈕黃綬阜朝服進賢一

梁冠獸爪盤

太子常從武賁督銅印環鈕墨綬朝服武冠獸爪盤
殿中將軍員外將軍朱服武冠

州郡國都尉司馬銅印環鈕墨綬朱服武冠獸頭盤

諸謁者朝服高山冠

中書通事舍人門下令史主書典書令史門下朝廷局
書令史太子門下通事守舍人主書典守舍人二宮齋
內職左右職局齋幹已上朱服武冠

殿中內外局監太子內外監殿中守舍人銅印環鈕朱服武冠

內外監典事書吏朱服進賢一梁冠內監朝廷人領局典事外監統軍隊誥詳發遣局典事武冠外監及典事書吏悉著朱衣唯正直及齋監并受使不在例其東宮內外監殿典事書吏依臺格五校三將將軍主事內監主事外監主事三校主事朱服武冠

尚書都令史都水參事門下書令史集書中書尚書祕

書著作掌書主書主圖主譜典客令史書令史監令僕
射省事蘭臺殿中蘭臺謁都令史公府令史書令史太
子導客次客守舍人及諸省典事朱衣進賢一梁冠
尚書都笄度支笄左右校吏朱服進賢一梁冠

諸縣署丞太子諸署丞王公侯諸署及公主家令丞僕
銅印環鈕黃綬朱服進賢一梁冠太官太醫丞武冠

諸縣尉銅印環鈕單衣介幘黃綬獸爪鞶節騎郎朱服
武冠其在陛列及備鹵簿者毬尾絳紗縠單衣御節郎

黃鉞郎朝服赤介幘簪筆典儀唱警唱奏事持兵主麾等諸職公事及備鹵簿朱服武冠殿中中郎將校尉都尉銀印珪鈕青綬朱服武冠獸頭鞶

城門候銅印環鈕墨綬朱服武冠獸頭鞶

部曲督司馬吏部曲將銅印環鈕朱服武冠司馬吏假墨綬獸爪鞶

太中中散諫議大夫議郎中郎郎中舍人朱服進賢一

梁冠

諸門郎僕射佐吏東宮門吏其郎朱服僕射阜零辟朝
服進賢冠吏却非冠佐吏著進賢冠

總章協律銅印環鈕艾綬獸爪輦朱服武冠

黃門後閣舍人主書齋帥監食主食主客扶侍鼓吹朱
服武冠鼓吹進賢冠齋帥墨綬獸頭輦

殿中司馬銅印環鈕墨綬朱服武冠獸頭輦

總章監鼓吹監銅印環鈕艾綬朱服武冠

諸四品將兵都尉牙門將崇毅材官折難輕騎揚烈威

遠寧遠宣威光威驤威威烈威虜平戎綏遠綏狄綏邊
綏戎獸威威武烈武毅武奮武討寇討虜殄難討難討
夷厲武橫野陵江鷹揚執訊蕩寇蕩虜蕩難蕩逆虜
掃虜掃難掃逆掃寇厲鋒武奮武牙廣野領兵滿五十
人給銀章不滿五十除板而已不給章朱服武冠以此
官為刺史太守皆青綏此條已下皆陳制與梁不同

典儀但帥典儀正帥朱衣武冠其本資有殿但正帥得
帶艾綏獸頭盤殿但帥正帥艾綏獸頭盤朱服武冠殿

帥羽儀帥員外帥朱衣武冠

威雄猛烈振信勝略風力光等十威將軍武猛略勝力
毅健烈威銳勇等十武將軍並銀章熊鈕青綬獸頭鞶

武冠朝服

猛毅烈威銳震進智威勝駿等十猛將軍銀章熊鈕青
綬獸頭鞶武冠朝服

壯武勇烈猛銳威毅志意力等十壯將軍驍雄桀猛烈
武勇銳名勝迅等十驍將軍雄猛威明烈信武勇毅壯

健等十雄將軍並銀章羔鈕青綬獸頭鞶武冠朝服
忠勇烈猛銳壯毅捍信義勝等十忠將軍明智略遠勇
烈威勝進銳毅等十明將軍光烈明英遠勝銳命勇武
野等十光將軍颺勇猛烈銳奇決起略勝出等十颺將
軍並銀章鹿鈕青綬獸頭鞶武冠朝服

龍驤武視雲旗風烈電威雷音馳銳進銳羽騎突騎折
衝冠武和戎安壘起猛英果掃虜掃狄武銳摧鋒開遠
略遠貞威決勝清野堅銳輕銳拔山雲勇振旅等三十

號將軍銀印菟鈕青綬獸頭輦朝服武冠

超武鐵騎樓船宣猛樹功剋狄平虜稜威戎昭威戎伏
波雄戟長劍衝冠雕騎欽飛勇騎破敵剋敵威虜前鋒
武毅開邊招遠全威破陣蕩寇殄虜橫野馳射等三十
號將軍銅印環鈕墨綬獸頭輦朝服武冠并左十二件
將軍除並假給章印綬板則止朱服武冠而已其勲選
除亦給

印章

建威牙門期門已下諸將軍並銅印環鈕墨綬獸頭輦

朱服武冠板則無印綬止冠服而已其在將官以功次

轉進應署建威已下諸號不限板除悉給印綬

若武官署位轉

戎號亦不_上限板除悉給印綬

戎號亦不_上限板除悉給印綬

千人督校督司馬武賁督牙門將騎督督守將兵都尉

太子常從督別部司馬假司馬假銅印環鈕朱服武冠

墨綬獸頭盤

武猛中郎將校尉都尉銅印環鈕朱服武冠其以此官
為千人司馬道賁督已上及司馬皆假墨綬獸頭盤已

陳制梁所無及不同者

陞長甲僕射主事吏將騎廷上五牛旗假吏武賁在陞列及備鹵簿服錦文衣武冠眊尾陞長者假銅印環鈕

墨綬獸頭鞶

假旄頭羽林在陞列及備鹵簿服絳單衣上著韋畫腰襦假旄頭輿輦迹禽前驅由基強弩司馬給絳科單衣武冠其本位佩武猛都尉已上印者假墨綬別部司馬已下假墨綬並獸頭鞶

殿中冗從武賁殿中武賁持鉞戟冗從武賁假青綬絳

科單衣武冠

陳令絳科單衣其本位職佩武猛都尉等印假鞚綬依前條

持椎斧武騎武賁五騎傳詔武賁殿中羽林太官嘗食

武賁稱飯宰人諸宮嘗食武賁假墨綬給絳襷武冠

佩其

武猛都尉等位印皆依上條假鞚綬之例

其在陛列及備鹵簿五騎武賁服錦文衣旛尾宰人服
離支衣領軍捉刃人烏總帽袴褶皮帶

綺是羽葆眊鼓吹悉改著進賢冠外給系眊鼓吹著武

冠

諸官鼓吹尚書廊下都座門下使守藏守閣殿中威儀
騎武賁常直殿門雲龍門者門下左右部武賁羽林騎
給傳事者諸導騎門下中書守閣尚書門下武賁羽林
騎蘭臺五曹節藏僕射廊下守閣威儀發符騎都水使
者廊下守給騎謁者威儀騎諸宮謁者騎絳構武冠衣
服如舊大誰天門士阜科單衣樊噲冠衛士涅布構却
敵冠

諸將軍使持節都督執節史朱衣進賢一梁冠自此條已下皆

陳制梁所無

持節節史單衣介幘其纂戎戒嚴時同使持節制假節

節史單衣介幘凡節趺以石為之持節皆刻為擎螭形假節及給蠻夷節皆刻為狗頭趺

諸王典籤帥單衣平巾幘

典籤書吏袴

諸王書佐單衣介幘

公府書佐朱衣進賢冠

諸王國舍人司理謁者閣下令史中衛都尉朱衣進賢

一梁冠司理假銅印謁者高山冠令史已下武冠

太子太傅五官功曹主簿阜朝服進賢一梁冠

太子二傳門下主記錄事功曹書佐門下書佐記室帳
下督都督省事法曹書佐太傅外都督阜衣進賢一梁
冠

太子妃家令絳朝服進賢一梁冠

太子三校二將積弩殿中將軍衣服皆與上宮官同

太子正員司馬督題閣監銅印墨綬三校內主事主章扶侍

守舍人衣帶仗局服飾衣局珍寶朝廷主衣統奏事幹

內局內幹朱衣武冠

諸公府御屬及省事錄尚書省事太子門下及內外監
永典事導客竿書吏次功典書函典書典經五經典書
諸守宮舍人市買清慎食官督內直兵吏宣華崇賢二
門舍人諸門吏朱衣進賢一梁冠

太子妃傳令朱衣武冠執刀烏信幡

太子二傳騎吏玄衣赤幘武冠常行則袴褶執儀齋帥

殿帥典儀帥傳令執刀戟主蓋扇麾繖殿上持兵車郎
扶車注疏萌床齋閣食司馬唱導飯主食殿前帥殿前
威儀武賁威儀散給使閭將鼓吹士帥副武冠絳襍案
輒小輿持車輶車給使平巾幘黃布袴赤羃帶

太子諸門將涅布襍樊噲冠

太子鹵簿戰吏赤幘武冠絳襍廉帥整陣禁防平巾幘
白布袴褶鞚角五音帥長麾青布袴褶岑帽絳絞帶都
伯平巾幘黃布袴褶

文官曹幹白紗單衣介幘尚書二臺曹幹亦同

武官問訊將士給使平巾幘白布袴褶

通天冠高九寸正豎頂少斜却乃直下鐵為卷梁前有
展筩冠前加金博山述乘輿所常服

遠遊冠制似通天而前無山述有展筩橫于冠前皇太
子及王者後諸王服之諸王加官者自服其官之冠服
唯太子及王者後常冠焉太子則以翠羽為綾綴以白
珠其餘但青絲而已

進賢冠古綯布冠遺象也斯蓋文儒者之服前高七寸
後高三寸長八寸有五梁三梁二梁一梁之別五梁唯
天子所服其三梁已下為臣高卑之別云

武冠一名武弁一名大冠一名繁冠一名建冠今人名
曰籠冠即古惠文冠也天子元服亦先加大冠今左右
侍臣及諸將軍武官通服之侍中常侍則加金璫附蟬
焉挿以貂尾黃金為飾云

高山冠一名側注高九寸鐵為卷梁制似通天頂直豎

不斜無山述展筩高山者取其矜莊賓遠中外謁者僕射服之

法冠一名柱後或謂之獬豸冠高五寸以縱為展筩鐵為柱卷取其不曲撓也侍御史廷尉正監平凡執法官皆服之

鶡冠猶大冠也加雙鶡尾豎插兩邊故以名焉武賁中郎將羽林監節騎郎在陛列及鹵簿者服之

長冠一名齋冠高七寸廣三寸漆纏為之制如版以竹

為裏漢高祖微時以竹皮為此冠所謂劉氏冠後除竹
用漆纏焉司馬彪曰長冠楚制也人間或謂之鵲尾冠
非也後代以為祭服尊敬之也至天監三年祠部郎沈
宏議案竹葉冠是高祖為亭長時所服安可縣代為祭
服哉禮士弁祭於公請令太常丞博士奉齋之服宜改
用爵弁明山賓同宏議司馬櫟云若必遵三王則懼所
改非一長冠謂宜仍舊案今之宗丞博士之服未有可
非帝竟不改

建華冠以鐵為柱卷貫大銅珠九枚祀天地五郊明堂舞人服之

樊噲冠廣九寸高七寸前後出各四寸制似平冕凡殿門司馬衛士服之

却敵冠高四寸通長四寸後高三寸制似進賢冠凡宮殿門衛士服之

却非冠高五寸制似長冠宮殿門吏僕射冠之

幘尊卑貴賤皆服之文者長耳謂之介幘武者短耳謂

之平上幘各稱其冠而制之尚書令僕射尚書幘收方
三寸名曰納言未冠童子幘無屋施假髻者示未成人
也

帽傳子云先未有歧荀文若巾觸樹成歧時人慕之因
而弗改今通為慶弔之服白紗為之或單或祫初婚冠
送餞亦服之

巾國子生服白紗為之晉太元中國子生見祭酒博士
單衣角巾執經一卷以代手版宋末闢其制齊立學太

尉王儉更造今形如之

帽自天子下及士人通冠之以白紗者名高頂帽皇太子在上省則烏紗在永福省則白紗又有縞阜雜紗為之高屋下席蓋無定準

袴褶近代服以從戎今纂嚴則文武百官咸服之車駕親戎則縛袴不舒散也中官紫褶外官絳褶腰皮帶以

代鞶革

笏中世以來唯八座尚書執笏笏者白筆綴其頭以紫

囊裏之其餘公卿但執手版荷紫者以紫生為祫囊綴
之服外加於左肩周遷云昔周公負成王制此衣至今
以為朝服蕭驕子云名契囊案趙充國傳云張子孺持
囊簪筆事孝武帝張晏云囊契囊也近臣負囊簪筆從
備顧問有所記也

入殿門有籠冠者著之有纓則下之緣廂行得提衣省
閭內得著履烏紗帽入齋閣及橫度殿庭不得人提衣
及捉服飾入閭則執手板自摳衣几席不得入齋正閭

介幘不得上正殿及東西堂儀仗繖扇有幘牽車不得入臺門臺官問訊皇太子亦皆朱服著襪謁諸王單衣幘庶姓單衣恰詣三公必衣恰至黃閣下履過閣還著履

古者君臣佩玉尊卑有序綬者所以貫佩相承受也又上下施韁如蔽膝貴賤亦各有殊五霸之後戰兵不息佩非兵器韁非戰儀於是解去佩韁留其繫襚而已韁佩既廢秦乃以采組連結於襚轉相結受又謂之綬漢

承用之至明帝始復制佩而漢末又亡絕魏侍中王粲識其形乃復造焉今之佩粲所制也

皇后謂廟服桂襡大衣蓋嫁服也謂之禕衣阜上阜下親蠶則青上縹下比深衣制隱領袖緣以條首飾則假髻步搖俗謂之珠松是也簪珥步搖以黃金為山題貫白珠為文相繆八爵九華熊獸赤羆天鹿辟邪南山豐大特六獸諸爵獸皆以翡翠為華綬佩同乘輿

貴妃貴嬪貴姬是為三夫人金章龜紐紫綬八十首佩于

寶玉獸頭鞶

淑媛淑儀淑容昭華昭儀昭容脩華脩儀脩容是為九

嬪金章龜鈕青綬八十首獸頭鞶佩采瓚玉

婕妤容華充華承徽列榮五職亞九嬪銀印珪鈕艾綬

獸頭鞶

美人才人良人三職散位銅印環鈕墨綬獸頭鞶

皇太子妃金璽龜鈕纁朱綬一百六首佩瑜玉獸頭鞶

良娣銀印珪鈕佩采瓚玉青綬八十首獸爪鞶

保林銀印珪鈕佩水蒼玉青綬首八十獸爪鞶

諸王太妃妃諸長公主公主封君金印龜鈕紫綬首八十

佩山玄玉獸頭鞶

開國公侯太夫人銀印珪鈕青綬首八十佩水蒼玉獸頭

鞶

公主三夫人大手髻七鑽蔽髻九嬪及公夫人五鑽世婦三鎮其長公主得有步搖公主封君已上皆帶綬以綵組為緹帶各以其綬色金辟邪首為帶玦

公特進列侯卿校中二千石夫人紺縉帽黃金龍首銜
白珠魚須擿長一尺為簪珥入廟佐祭者皂絹上下助
蠶者縲絹上下皆深衣制緣自二千石夫人已上至皇
后皆以蠶衣為朝服

自晉左遷中原禮儀多缺後魏天興六年詔有司始制
冠冕各依品秩以示等差然未能皆得舊制至太和中
方考故實正定前謬更造衣冠尚不能周洽及至熙平
二年太傅清河王懌黃門侍郎韋廷祥等奏定五時朝

服準漢故事五郊衣幘各如方色焉及後齊因之河清
中改易舊物著令定制云

乘輿平冕黑介幘垂白珠十二旒飾以五采玉以組為
纓色如其綬駁纊玉笄白玉璽黃赤綬五采黃赤縹綠
紺純黃質長二丈九尺五百首廣一尺二寸小綬長三
尺二寸與綬同采而首半之衣服皀衣絳裳裳前三幅
後四幅織成為之十二章緣絳中單織成緼帶朱紱佩
白玉帶鹿盧劒絳袴祫赤鳥未加元服則空頂介幘又

有通天金博山冠則絳紗袍皂緣中單其五時服則五
色介幘進賢五梁冠五色紗袍又有遠遊五梁冠並不
通于下四時祭廟圓丘方澤明堂五郊封禪大雩出宮
行事正旦受朝及臨軒拜王公皆服袞冕之服還宮及
齋則服通天冠藉田則冠冕璪十二旒佩蒼玉黃綬青
帶青袜青舄拜陵則黑介幘白紗單衣釋奠則服通天
金博山冠玄紗袍春分朝日則青紗朝服青舄秋分夕
月則白紗朝服緗舄俱冠五梁進賢冠合朔服通天金

博山冠絳紗袍季秋講武出征告廟冠武弁黃金附蟬
左貂鴟類宜社武弁朱衣纂嚴升殿服通天金博山冠
絳紗袍入溫涼室冠武弁右貂附蟬絳紗服征還飲至
服通天冠廟中遣上將則袞冕還宮則通天金博山冠
賞祖罰社則武弁左貂附蟬元日冬至大小會皆通天
金博山冠四時畋出宮服通天冠並赤鳥明堂則五時
俱通天冠各以其色服東西堂舉哀服白哈

天子六璽文曰皇帝行璽封常行詔勅則用之皇帝之

璽賜諸王書則用之皇帝信璽下銅獸符發諸州征鎮
兵下竹使符拜代徵召諸州刺史則用之並白玉為之
方一寸二分螭獸鈕天子行璽封拜外國則用之天子
之璽賜諸外國書則用之天子信璽發兵外國若徵召
外國及有事鬼神則用之並黃金為之方一寸二分螭
獸鈕又有傳國璽白玉為之方四寸螭獸鈕上交五蟠
螭隱起鳥篆書文曰受天之命皇帝壽昌凡八字在六
璽外唯封禪以封石函又有督攝萬機印一鈕以木為

之長一尺二寸廣二寸五分背上為鼻鈕鈕長九寸厚
一寸廣七分腹下隱起篆書為督攝萬機凡四字此印
常在內唯以印籍縫用則左右郎中度支尚書奏取印
訖輸內

皇太子平冕黑介幘垂白珠九旒飾以三采玉以組為
纓色如其綬金璽朱綬四采赤黃縹紺綬朱質長二丈
一尺三百二十首廣九寸小綬長三尺二寸與綬同色
而首半之衮服同乘輿而九章絳紱佩瑜玉玉具劔火

珠標首絳袴袜赤舄非謁廟則不服未加元服則空頂
黑介幘雙童髻雙玉導中舍人執遠遊冠以從其遠遊
三梁冠黑介幘翠綾纓絳紗裏皂緣中單黑舄太朝所
服亦服進賢三梁冠黑介幘皂朝服絳緣中單玄舄為
宮臣舉哀白帽單衣烏皮履未加元服則素服

皇太子璽黃金為之方一寸龜鈕文曰皇太子璽宮中
大事用璽小事用門下典書坊印

諸公卿平冕黑介幘青珠為旒上公九三公八諸卿六

以組為纓色如其綬衣皆玄上纁下三公山龍八章降
皇太子一等九卿藻火六章唯郊祀天地宗廟服之
遠遊三梁諸王所服其未冠則空頂黑介幘開國公侯
伯子男及五等散爵未冠者通如之

進賢冠文官二品已上並三梁四品已上並兩梁五品
已下流外九品已上皆一梁致事者通著委貌冠主兵
官及侍臣通著武弁侍臣加貂璫御史大理著法冠諸
謁者太子中導客舍人著高山冠宮門僕射殿門吏亭

長太子率更寺宮門督太子內坊察非吏諸門吏等皆著却非冠羽林武賁著鶡冠錄令已下尚書以上著納言幘又有赤幘卑賤者所服救日蝕文武官皆免冠著赤介幘對朝服賤者平巾赤幘示威武以助於陽也止雨亦服之請雨則服絅幘東耕則服青幘庖人則服綠幘

印綬二品已上並金章紫綬三品銀章青綬三品已上
凡是五省
官及中侍中省
皆為印不為章
四品得印者銀印青綬五品六品得印

者銅印墨綬四品已下凡是開國子男及五等散品名號侯皆為銀章不為印七品八

品九品得印者銅印黃綬金銀章印及銅印並方一寸皆龜鈕東西南北四藩諸國王章上藩用中金中藩用下金下藩用銀並方寸龜鈕佐官唯公府長史尚書二丞給印綬六品已下九品已上唯當曹為官長者給印餘自非長官雖位尊並不給

諸王纁朱綬四采赤黃縹紺純朱質纁文織長二丈一尺二百四十首廣九寸開國郡縣公散郡縣公玄朱綬

四采玄赤縹紺朱質玄文織長一丈八尺百八十首廣
八寸開國縣侯伯散縣侯伯青朱綬四采青赤白縹朱
質青文織長一丈六尺百四十首廣七寸開國縣子男
散縣子男名號侯開國鄉男素朱綬三采青赤白朱質
白文織長一丈四尺百二十首廣六寸一品二品紫綬
三采紫黃赤純紫質長一丈八尺百八十首廣八寸三
品四品青綬三采青白紅純青質長一丈六尺百四十
首廣七寸五品六品墨綬二采青紺純紺質長一丈四

尺百首廣六寸七品八品九品黃綬二采黃白純黃質
長一丈二尺六十首廣五寸官品從第二已上小綬間
得施玉環凡綬先合單紡為一絲絲四為一扶扶五為
一首首五成一文采純為質首多者絲細首少者絲麤
官有綬者則有紛皆長八尺廣三寸各隨綬色若服朝
服則佩綬服公服則佩紛官無綬者不合佩紛

鞶囊二品已上金縷三品金銀縷四品銀縷五品六品
綵縷七八九品綵縷獸爪鞶官無印綬者並不合佩鞶

囊及爪

一品玉具劍佩山玄玉二品金裝劍佩水蒼玉三品及開國子男五等散品名號侯雖四五品並銀裝劍佩水蒼玉侍中已下通直郎已上陪位則像劍帶真劍者入宗廟及升殿若在仗內皆解劍一品及散郡公開國公侯伯皆雙佩二品三品及開國子男五等散品名號侯皆雙佩綬亦如之

百官朝服公服皆執手板尚書錄令僕射吏部尚書手

板頭復有白筆以紫皮裏之名曰笏朝服綴紫荷錄令
左僕射左荷右僕射吏部尚書右荷七品已上文官朝
服皆簪白筆正王公侯伯子男卿尹及武職並不簪朝
服冠幘各一絳紗單衣白紗中單皂領袖皂襍革帶曲
領方心蔽膝白筆烏袜兩綬劔佩簪導鉤解為具服七
品已上服也公服冠幘紗單衣深衣革帶假帶履袜鉤
解謂之從省服八品已下流外四品已上服也
流外五品已下九品已上皆著構衣為公服

皇后璽綬佩同乘輿假髻步搖十二鑽八雀九華助祭
朝會以緝衣祠郊祿以褕狄小宴以闕狄親蠶以鞠衣
禮見皇帝以展衣宴居以祿衣六服俱有蔽膝織成綈
帶皇太后皇后璽並以白玉為之方一寸二分螭獸鈕
文各如其號璽不行用有令則太后以宮名衛尉印皇
后則以長秋印

內外命婦從五品已上蔽髻唯以鏤數花釵多少為品
秩二品已上金玉飾三品已下金飾內命婦左右昭儀

三夫人視一品假髻九鎮金章紫綬服褕翟雙佩山立
玉九嬪視三品五鎮蔽髻銀章青綬服鞠衣佩水蒼玉
世婦視四品三鎮銀印青綬服展衣無佩八十一御女
視五品一鎮銅印墨綬服祿衣又有宮人女官服制第
二品七鎮蔽髻服闕翟三品五鎮鞠衣四品三鎮展衣
五品一鎮祿衣六品祿衣七品青紗公服俱大首髻八
品九品俱青紗公服偏髻髻

皇太子妃璽綬佩同皇太子假髻步搖九鎮服褕翟從

蠶則青紗公服

皇太子妃璽以黃金方一寸龜鈕文曰皇太子妃之璽
若有封書則用內坊印

郡長公主公主王國太妃妃纁朱綬髻章服佩同內命
婦一品郡長君七鎮蔽髻立朱綬闕翟章佩與公主同
郡君縣主佩水蒼玉餘與郡長君同太子良娣視九嬪
服縣主青朱綬餘與良娣同女侍中五鎮假金印紫綬
服鞠衣佩水蒼玉縣君銀章青朱綬餘與女侍中同太

子孺人同世婦太子家人子同御女鄉主鄉君素朱綬
佩水蒼玉餘與御女同外命婦章印綬佩皆如其夫若
夫假章印綬佩妻則不假一品二品七鎮蔽髻服闕翟
三品五鎮服鞠衣四品五鎮服展衣五品一鎮服祿衣
內外命婦宮人女官從贊則各依品次還著蔽髻皆服
青紗公服如外命婦綬帶鞶囊皆準其夫公服之例百
官之母詔加太夫人者朝服公服各與其命婦服同

後周設司服之官掌皇帝十二服祀昊天上帝則蒼衣

蒼冕祀東方上帝及朝日則青衣青冕祀南方上帝則朱衣朱冕祭皇地祇祀中央上帝則黃衣黃冕祀西方上帝及夕月則素衣素冕祀北方上帝祭神州社稷則玄衣玄冕享先皇加元服納后朝諸侯則象衣象冕十有二章日月星辰山龍華蟲六章在衣火宗彝藻粉米黼黻六章在裳凡十二等享諸先帝大貞於龜食三老五更享諸侯耕籍則服袞冕自龍已下凡九章十二等宗彝已下五章在衣藻火已下四章在裳衣重宗彝祀

星辰祭四望視朔大射饗羣臣巡犧牲養國老則服山冕八章十二等衣裳各四章衣重火與宗彝羣祀視朝臨太學入道法門宴諸侯與羣臣及燕射養庶老適諸侯家則服鷩冕七章十二等衣三章裳四章衣重三章袞山鷩三冕皆裳重黼黻俱十有二等通以升龍為領標冕通十有二旒巡兵即戎則服韋弁謂以韋韋為弁又以為裳衣也田獮行鄉畿則服皮弁謂以鹿子皮為弁白布衣而素裳也皇帝凶服斬衰父母之喪上下達也其弔服

錫衰以哭三公總衰以哭諸侯

皆十五升抽其半錫者

浣其布不浣其縷哀在內總者浣其縷不疑衰以哭大夫

十四升

皆素弁如爵弁

環經一服纏經凡大疫大荒大災則素服縗冠

凡疫病荒饑年災水旱也

諸公之服九一曰方冕二曰衮冕九章宗彝已上五章

在衣藻已下四章在裳三曰山冕八章衣裳各四章衣

重宗彝為九等四曰鷩冕七章衣三章裳四章衣重火

與宗彝五曰火冕六章衣裳各三章衣重宗彝及藻裳

重黻六曰毳冕五章衣三章裳二章衣重藻粉米裳重

黼黻山冕已下俱九等皆以山為領標冕俱九旒七曰

章弁八曰皮弁九曰立冠

諸侯服自方冕而下八無袞冕山冕八章衣裳各四章

鷩冕七章衣三章裳四章衣重宗彝火冕六章衣裳各

三章衣重藻裳重黻毳冕五章衣三章裳二章衣重粉

米裳重黼黻鷩冕已下俱八等皆以華蟲為領標冕俱

八旒

諸伯服自方冕而下七又無山冕鷩冕七章衣三章裳

四章火冕六章衣裳各三章裳重黻毳冕五章衣三章裳二章裳重黼黻火冕已下俱七等皆以火為領標冕俱七旒

諸子服自方冕而下六又無鸞冕火冕六章衣裳各三章毳冕五章衣三章裳二章裳重黻毳冕已下俱六等皆以宗彝為領標冕俱六旒

諸男服自方冕而下五又無火冕毳冕五章衣三章裳二章以藻為領標冕五旒

三公之服九一曰祀冕二曰火冕六章衣裳各三章衣
重宗彝與藻裳重黼黻三曰毳冕五章衣三章裳二章衣
重藻與粉米裳重黼黻四曰藻冕四章衣裳俱二章衣
重藻與粉米裳重黼黻五曰繡冕三章衣一章裳二章衣
重粉米裳重黼黻俱九等皆以宗彝為領標六曰爵
弁七曰韋弁八曰皮弁九曰玄冠

三孤之服自祀冕而下八無火冕毳冕五章衣三章裳
二章衣重粉米裳重黼黻藻冕四章衣裳各二章衣重

藻與粉米裳重黼黻俱八等皆以藻為領標繡冕三章衣一章裳二章衣重粉米裳重黼黻為八等

公卿之服自祀冕而下七又無毳冕藻冕四章衣裳各二章衣重粉米裳重黼黻為七等皆以粉米為領標各七繡冕三章衣一章裳二章衣重粉米裳重黼黻為七等

上大夫之服自祀冕而下六又無藻冕繡冕三章衣一章裳二章衣重粉米裳重黼黻為六等

中大夫之服自祀冕而下五又無皮弁繡冕三章衣一
章裳二章衣重粉米為五等

下大夫之服自祀冕而下四又無爵弁繡冕三章衣一
章裳二章衣重粉米為四等

士之服三一曰祀弁二曰爵弁三曰玄冠

玄冠皆玄衣其裳上士以

玄中士以黃下士雜裳謂前玄後黃也

庶士之服一玄冠

庶士庶人在官府史之屬其服

繙衣後令文武俱著常服冠形如魏帽無簪有纓其凶

服皆與庶人同其弔服諸侯於其卿大夫錫衰同姓總

衰於士疑衰其當事則弁經否則皮弁公孤卿大夫之弔服錫衰弁經皮弁亦如士之弔服疑衰素裳當事弁經否則徒弁

皇后衣十二等其翟衣六從皇帝祀郊祫享先皇朝皇太后則服翬衣素質五色祭陰社朝命婦則服襍衣青質五色祭羣小祀受獻璽則服鷩衣赤色采桑則服鳩衣黃色從皇帝見賓客聽女教則服鶡衣白色食命婦歸寧則服翔衣玄色俱有十二等以翬雉為領標各有二臨婦學及法道門

命婦有時見命婦則蒼衣春齋及祭還則青衣夏齋及
祭還則朱衣采桑齋及采桑還則黃衣秋齋及祭還則
素衣冬齋及祭還則玄衣自青衣而下其領襟以相生
之色

諸公夫人九服其翟衣雉皆九等俱以襍雉為領襟各
九自襍衣已下五曰襍衣鷺衣鳩衣鶡衣翔衣并朱衣
黃衣素衣玄衣而九自朱衣而下其領襟亦同用相生
之色

諸侯夫人自鷩而下八其翟衣雉皆八等俱以鷩雉為

領標無翟衣

諸伯夫人自鴟而下七其翟衣雉皆七等俱以鴟雉為
領標又無鷩衣

諸子夫人自鶡而下六其翟衣俱以鶡雉為領標又無

鶡衣

諸男夫人自翲而下五其翟衣雉皆五等俱以翲雉為

領標又無鶡衣

三妃三公夫人之服九一曰鴻衣二曰鶉衣三曰翬衣四曰青衣五曰朱衣六曰黃衣七曰素衣八曰玄衣九曰鬢衣似髮華皆九樹其雉衣亦皆九等以鴻雉為領標

各九

三弋三狐之內子自鶉衣而下八雉衣皆八等以鶉雉為領標各八

六嬪六卿之內子自翬衣而下七雉衣皆七等以翬雉

為領標各七

上媛上大夫之孺人自青衣而下六

中媛中大夫之孺人自朱衣而下五

下媛下大夫之孺人自黃衣而下四

御婉士之婦人自素衣而下三

中宮六尚一曰紱衣其色赤而微玄諸命秩之服曰公服其餘

常服曰私衣皇后華皆有十二樹諸侯之大夫亦皆以命數為之節三妃三公夫人已下又各依其命一命再命者又俱以三為節

皇后及諸侯夫人之服皆鵠履三妃三公夫人已下翟衣則鵠其餘皆屨鳥履各如其裳之色

皇后之凶服斬衰齊衰降旁朞已下弔服為妃嬪三公之夫人孤卿內子之喪錫衰

錫者十五升去其半無事其縷有事其布哀在內也

為諸侯夫人之喪總衰

總亦十五升去其半有事其縷無事其布哀在外也

為媛

御婉及夫人孺人士之婦人之喪疑衰

十四升

疑於吉皆吉笄

無首

象笄去首飾

太陰虧則素服

蕩天下之陰事

諸侯之夫人及三

妃與三公之夫人已下凶事則五衰

自總已上皆服之

其弔諸

侯夫人於卿之內子大夫孺人錫衰於已之同姓之臣
總衰於士之婦人疑衰皆吉笄無首其三妃已下及媛
三公夫人已下及孺人其弔服錫衰御婉及士之婦人
弔服疑衰疑笄同笄九族已下皆骨笄

韃皇帝三章龍火山諸侯二章去龍卿大夫一章以山
皆織綵以成之

皇帝八璽有神璽有傳國璽皆寶而不用神璽明受之於天傳國璽
於運之皇帝負辰則置神璽於筵前之右置傳國璽於

筵前之左又有六璽其一皇帝行璽封命諸侯及三公用之其二皇帝之璽與諸侯及三公書用之其三皇帝信璽發諸夏之兵用之其四天子行璽封命蕃國之君用之其五天子之璽與蕃國之君書用之其六天子信璽徵蕃國之兵用之六璽皆白玉為之方一寸五分高寸螭獸鈕皇后璽文曰皇后之璽白玉為之方寸五分高寸麟鈕三公諸侯皆金印方寸二分高八分龜鈕七命已上銀四命已上銅皆龜鈕三命已上銅印銅鼻其

方皆寸其高六分文曰某公官之印

皇帝之組綬以蒼以青以朱以黃以白以玄以纁以紅
以紫以緘以碧以綠十有二色諸公九色自黃以下諸
侯八色自白以下諸伯七色自玄以下諸子六色自纁
已下諸男五色自紅已下三公之綬如諸公三孤之綬
如諸侯六卿之綬如諸伯上大夫之綬如諸子中大夫
之綬如諸男下大夫綬自紫已下士之綬自緘已下其
璽印之綬亦如之

保定四年百官始執笏常服上焉宇文護始命袍加下
襯宣帝即位受朝於路門初服通天冠絳紗袍羣臣皆
服漢魏衣冠大象元年制冕二十四旒衣服以二十四
章為準二年下詔天臺近侍及宿衛之官皆著五色衣
以錦綺繢繡為緣名曰品色衣有大禮則服冕內外命
婦皆執笏其拜俛伏方興

隋書卷十一

隋書卷十一 考證

禮儀志六著阜衣絳襖○宋本阜作帛按本志諸博士

阜朝服從阜為是

黑玉為飾○監本黑玉二字闕從宋本補飾一本作珠
其在陞牙及備鹵簿者○臣映斗按周禮王會同之舍

設柂柂柂亦作陞牙又本志下文其在陞列及備
鹵簿者又作陞列各仍本文以備參考

猛毅烈威銳震進智威勝駿等十猛將軍○臣映斗按

十猛謂以猛字分冠下十字之首如猛毅猛烈是也
十字不當有兩威字疑是虎字唐諱虎作武又訛武
作威耳

大誰天門士○按漢書注大誰卒主問非常之人云姓
名是誰有大誰長

佩于寘玉○按本傳作于闐山多美玉抱朴子仙藥卷
云得于闐國白玉俱作闐前漢游俠傳闐門注師古

古曰闐與寘同

隋書卷十一考證

謹案卷十第六頁前四行儀曹郎董謐刊本儀訖

議據監本改

第十頁後四行旂畫青龍刊本旂訖旂據毛本改
第十一頁後二行諸男自篆輶而下刊本篆訖象

據毛本改

第二十二頁後四行戎輶之萃廣車之萃闕車之
萃輕車之萃刊本萃並訖革據毛本改又攷周
禮春官車僕文闕車之萃下有萃車之萃四字

此處訛脫

第二十八頁後二行亦正寢一而燕寢五刊本脫

一字據明南監本增

卷十一第三頁後四行又以一藻攝三物也刊本

脫一字據監本增

第五頁前一行不容同於在朝刊本於在訛在於

據毛本改

第十六頁前一行著作刊本著誤署據監本改

第十七頁後二行烈武後三行厲武刊本武俱訛

咸據監本改

第二十四頁後六行加雙鶲尾豎插兩邊刊本插

訛押據監本改

第二十四頁後八行制如版刊本如訛加據監本

改

第二十六頁前一行尚書令刊本今訛介據監本

改

第三十三頁前三行其未冠財空頂刊本頂訛項
據毛本改

第三十三頁後五行庖人則服綠幘刊本庖訛凡
據監本毛本改

第四十一頁後八行衣重粉米裳重黼黻為六等
刊本脫黻字據監本增

第四十二頁後一行公孤卿大夫之弔服刊本公
孤卿訛公卿卿據監本改



覆校官助教臣吳省蘭
校對官檢討臣王坦修
謄錄監生臣張泰